



CENTRALE BANK VAN ARUBA

Crecemento economico den 2022 ta depende grandemente riba e desaroyo positivo den e sector turistico

Comunicado di prensa

14 di juni, 2022

Awe Banco Central di Aruba (BCA) a publica su 'Economic Outlook', conteniendo un update pa 2022. Tambe, un revision pa 2021 ta inclui.

E recuperacion fuerte den e sector turistico a hiba un expansion significant den actividad economico den 2021. Den e dicho aña, Producto Domestico Bruto (PDB) ta calcula di a crece cu 17,2 por ciento den termino real (19,8 por ciento den termino nominal), compara cu un bahada real di 18.6 percent den 2020 (22.5 por ciento den termino real). No obstante e aumento, PDB real den 2021 ta 95.4 por ciento di e nivel di 2019. E disponibilidad di e programanan di asistencia financiero, esta e subsidio di salario y FASE, di Gobierno di Aruba (GoA) tambe a contrubui positivamente na e resurgimento den PDB, ya cu nan a yuda pusha consumo priva. Ademas, un mehoracion den inversion priva (aunke na un grado menor) a hunga un rol den e rebote di PDB den 2021.

Pa 2022, e estimado di crecimiento economico -- un crecimiento 'baseline' di 2,1 por ciento den termino real y 8,3 por ciento den termino nominal -- ta depende pa un gran parti riba e desaroyo positivo den e sector turistico. Proyeccionnan actual ta muestra cu e expansion den bishitantenan procedente di exterior lo varia entre 12,4 por ciento (den un escenario pesimista) y 40,1 por ciento (den un escenario optimista), cu un subida di 30,4 por ciento den e baseline scenario compara cu e aña anterior. Sinembargo, anticipando un normalisacion gradual den e cantidad di placa cu turistanan ta gasta diariamente, credito atribui na turismo ta premira di crece relativamente menos na 2022, esta 14,3 por ciento den termino nominal, cu ta mas abou cu e 65.5 por ciento den 2021. Dependiendo di cua scenario tuma lugar na 2022, inversion priva por pusha e economia un tiki mas halto. Di otro banda, consumo priva den termino real ta anticipa di keda generalmente flat den 2022, a consecuencia di un nivel relativamente mas halto di inflation anticipa, esta 7,1 por ciento.

Tabel 1: Crecemento real di PDB y su componentenan 2020 – 2022 (den porcentahe)

Indicador	2020 e	2021 e	2022 p f	2022 b f	2022 o f
Pronostico actual (juni 2022)					
PDB	-18,6	17,2	-3,0	2,1	5,3
Consumo	-7,8	4,9	-2,7	-2,6	-2,6
Consumo priva	-10,9	8,8	-0,3	0,0	0,1
Consumo publico	0,0	-3,7	-9,0	-9,2	-9,5
Inversion	-15,7	0,4	-3,0	-0,8	1,4
Inversion priva	-16,1	2,3	-3,7	-1,5	0,7
Inversion publico	-0,7	-56,1	45,3	45,3	45,3
Exportacion	-42,8	50,5	-5,0	8,7	17,0
Exportacion di turismo	-45,9	53,0	-6,4	8,3	16,3
Importacion	-30,7	21,2	-4,8	2,1	6,2

Fuente: BCA. c = calculacion; p = proyeccion; o = optimista; b = baseline; p = pesimista.

E publicacion completo ta disponibel riba nos website (www.cbaruba.org)